

五顯靈觀大帝燈儀

法事如式 啟白

焚香供養

都天威猛大元帥 顯聰昭應孚仁廣濟王 橫天都部大元帥
 顯明昭烈孚義廣佑王 通天金目大元帥 顯正招順
 孚智廣惠王 飛天風火大元帥 顯直昭佑孚信廣澤王
 丹天降魔大元帥 顯德昭利孚愛廣成王 助靈史相公
 助順卞相公 翊應周將軍 王念二總管 黃王二太尉
 令狐寺丞 善慶童子 土地真官 直日功曹 後宮仙源
 聖眷 靈順法部侍從威靈 悉運真香 普同供養
 切以 聰明為聖 常顯跡於人間 正直乃神 屢彰名於世代

五顯靈觀大帝燈儀

清微藏書閣

啟五通之神殿 次六蔽之昏衢 天地風火水之間 通達
 無礙 仁義智信愛之聖 惠澤旁施 冀含識之回光 遂
 知機而見曉 欽慕昭昭之景 宏演燈儀 苟馳效效之誠
 旋垂鑑映 凡於動靜 皆賴護持 遙瞻烜赫之容 控
 露歸依之悃 仰祈法駕 俯鑒精衷 今某猥處人倫 遵
 承科教 既沐覆全之德 敢忘夤奉之恭 敬選良辰 肅
 陳淨供

伏願

銀缸煥爛門庭 從此以光輝
 寶炷氤氳眷愛 永諧於康泰

臣眾等志心歸命

都天威猛大元帥 顯聰昭應孚仁廣濟王

伏以

聰明不諂 賞罰不失於毫釐 仁澤於民 功過無分於纖芥
上通天闕 下入寒泉 昭然賜福於塵區 穆若護持於黎庶
九州所重 四海歸依 作善者 享福無邊 積惡者 貽災有自
應如谷裏 驗若形聲 今某夙奉慈容 常臻教典 聊陳菲薦
庸寓髮忱

伏願

神馭來臨 密賜純禧之祐

靈威降鑒 益施長養之仁

宗緒昌隆 門庭清穆 稽首皈依 虔誠讚詠

靈觀大帝 神德尊神 五通賢聖 廣濟皇民

救災禦患 大布威靈 願垂降鑒 永錫康榮

五顯靈觀大帝燈儀

清微藏書閣

臣眾等志心歸命

橫天都部大元帥

顯明昭烈孚義廣佑王

伏以

明而不惑 仰瞻穆穆之容 赫爾崇高 佇想巍巍之德
每推恩而及物 常以善而化人 慈悲普度於群生 威力
廣行於三界 示作善降祥之美 蠹為愆釀惡之因 凡露
禱祈 必蒙感應 今某稟生愚昧 寄跡塵凡 虔備香燈
用延儀像

伏願

廓開昏翳 光明散釋於災迤

大布慈恩 煙靄噴騰於和氣

尊卑均慶 頂踵沾恩 稽首皈依 虔誠讚詠
顯明大聖 昭烈威王 賞善罰惡 孚佑吾皇
靈通貫斗 氣蓋八方 願垂景貺 常啟福祥

臣眾等志心歸命

通天金目大元帥

顯正昭順孚智廣惠王

伏以

正則不邪 嘗施恩而育物 禱而有應 每惠澤以臨民
奇謀祕計以為心 撫恤寬容而闡事 號令如法 公平是
依 乃聖乃神 賞罰無遺於咫尺 或文或武 盛衰有賴
於提攜 今古攸遵 吉凶昭顯 今某志嚴圖像 願款神
儀 擬伸懇切之誠 肅啟醮修之會

五顯靈觀大帝燈儀

清微藏書閣

伏願

或商或賈 皆成富積之家
為仕為師 早遂貴登之志
門闌清吉 眷屬康寧 稽首皈依 虔誠讚詠
顯正大聖 昭順靈神 智略才辯 廣惠人民
雨寶濟乏 施德推仁 勞籠群品 鼓舞萬倫
臣眾等志心歸命

飛天風火大元帥

顯直昭佑孚信廣澤王

伏以

直而不屈 作前代之忠神 信而不誣 為今時之靈聖
潤飾國土 涵養黔黎 威布三天 功高六合 敬之如在

自然 禍滅福生 禱之有通必得 凶消吉至 凡託帡幪
之庇 俱叨利濟之恩 意啟一誠 命延百福 今某洗心
滌慮 修德省躬 然燦爛之銀缸 蕪芬芳之寶篆 仰瞻
神馭 昭格愚衷

伏願

在公在私 時有亨嘉之慶

守官守職 日無言責之聞

壽紀增隆 身躬康泰 稽首皈依 虔誠讚詠

顯直昭佑 廣澤聖王 施恩布德 萬物祺祥

何災不滅 何福不昌 願回景貺 四序攸康

臣眾等志心歸命

丹天降魔大元帥

五顯靈觀大帝燈儀

清微藏書閣

顯德昭利孚愛廣成王

伏以

德素推於萬象 利物愛民 恩溥及於群生 蠲災卻禍

談笑兮 神風靜默 優遊兮 海宇澄清 金殿玉堂 隱

映倦姿 靈峙雕輪 寶馬雍容 慈貌神儀 手執金磚

足踏火輦 每降祥而旌德 或暴禍以彰威 既闡神通

合伸歸嚮 今某叨居下土 生在中華 歲時永賴於陶成

晝夜由資於洪覆 輒伸蟻素 仰答鴻休

伏願

鶴駕翩翩 星駟翼翼

自尊及幼 常居寧謐之鄉

內戚外親 永履平康之運

稽首皈依 虔誠讚詠 顯德昭利 孚愛廣成
安民濟物 素德推仁 若有投懇 修奉安寧
虔誠奉請 五福來并
諷經
向來
回向

五顯靈觀大帝燈儀竟

天運壬辰年卯月正一天師清微弟子洪鼎堅羅大英恭錄彙編

趙靈麗複校

五顯靈觀大帝燈儀

清微藏書閣